



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

XCVI. Markgraf Ludwig der Römer transsumirt und bestätigt der Stadt Königsberg ein Privilegium der Markgrafen Otto und Conrad vom 21. Februar 1292, worin ihnen freie Schiffahrt und das ...

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

XCVI. Markgraf Ludwig der Römer transfumirt und bestätigt der Stadt Königsberg ein Privilegium der Markgrafen Otto und Conrad vom 21. Februar 1292, worin ihnen freie Schifffahrt und das Verbiethungsrecht von Mühlenanlagen auf dem Flusse Nörike zugesichert ist, am 7. April 1354.

Noverint, Quod nos Ludovicus etc. vidimus et audivimus in nostri presentia infra scriptas literas et privilegia olim Marchionum Brandenburgensium, predecessorum nostrorum bone memorie, Ottonis et Conradi non cancellatas, non abollitas, non abrasas, nec in aliqua sui parte viciatas, sigillis dictorum Marchionum sigillatas, quorum vnum scilicet in medio ipsius habet et continet formam et ymaginem hominis armati et induti torace et pilleum in capite, non longum desuper habentis pallium, in pectore clausum super brachia expansum, tenentis in manu dextra vexillum et cuspidem, in sinistra vero clipeum continentem in se figuram aquile, litere vero circumferenciales sunt: Sigillum Ottonis, Dei gratia Marchionis Brandenburgensis: Secundum vero sigillum in medio vero similiter continet figuram hominis sub specie et forma eadem, Cujus circumferenciales litere sunt: Conradus, dei gratia Marchio Brandenburgensis, in forma infra scripta, que sequuntur in hec verba: In nomine domini Amen. Otto et Conradus, dei gratia Marchiones Brandenburgenses et de Landsparg, universis cristi fidelibus has litteras intuentibus noticiam subscriptorum. Cum manifesta recognitione recognoscimus et presentibus publice protestamur, Quod ob specialem dilectionem, qua viros honorabiles burgeneses et inhabitatores nostre civitatis Königsberg ibidem habentes domicilia seu habitationes seu mansionem et Vxores et pueros prosequimur, ipsis tale indultum concessimus, quod aquam, que Roreke vocatur, descendendo usque ad oderam et oderam ulterius descendendo versus Stettin et ascendendo oderam de Stettin usque ad dictam aquam Roreke et ipsam Roreke ascendendo et redeundo usque Konningesberge dicti burgeneses navigio sine omni Vngeldo seu theloneo et qualibet exactione cum mercimoniis, cuiuscunque generis sint seu fuerint, et annona, qualiscunque fuerit, perpetuo pro suis vibus frequentabant ab omnibus liberi et exempti. Dicimus etiam, quod dicti burgeneses, ubicunque se diverterint, cum eorum mercimoniis sive in curribus sive in navibus erunt ab omni Vngeldo liberi et soluti. Non licebit etiam cuiquam construere molendina super dicta aqua Roreke, per que posset navigatio dictorum burgenesium impediri. Item molendina situata in fossatis dicte civitatis debent esse sub iudicio civitatis, Ita quod, si quis excessus in eis fuerit perpetratus, ipsum consules iudicabunt, sive hic fuerit in mattis seu in aliis, neque nostri officiales ipsum aliquatenus iudicabunt. Addicimus etiam, quod forense theloneum dicte civitatis debet esse cuilibet liberum et commune. In horum omnium evidenciam presentes damus litteras Sigillorum nostrorum appensionibus roboratas. Hujus rei testes sunt Johannes de Oldenvlit, dapifer, fridericus de Ecstede, Hasso et Ludolphus de Wedele, Thetardus de Wuzstrouve, Buffo de Bellinge, Godefrius de Griphenberge, milites, et quam plures alii fide digni. Datum Lyuenwalde, Anno domini M^o CC^o XCH^o, secunda feria ante dominicam Invocavit. Istud privilegium confirmavit dominus Romanus, presentibus Swartzburg, Kokeritz, Trutenberg, Alvensleben, Otto de Sliwen, Th. Morner cum ceteris. Datum Konningesberg, Anno MCCCLIV, feria II post diem palmarum.

Aus Diekmann's Urkunden-Sammlungen des Königl. Geh. Staatsarchives f. 16 und der Breslauer Universitäts-Bibliothek f. 79. Die eingeschaltete Urkunde ist nach dem Originale des Stadtarchives No. 6 corrigirt.